

Manmin nga mga Balita

NO. 43 HUNYO I, 2014

Ang Manmin Ministry sa Latin America Nibunga og Daghan pinaagi sa mga Libro, Pagsibya, og sa Panyo sa Gahum!



Litrato 1, 2: Ang Honduras United Crusade 2002 ni Dr. Jaerock Lee, nihaling sa kalayo aron sa pagpangalagad sa Latin America, Litrato 3: Uban ang Peruvian President sa presidential palace, Litrato 4, 5: ang Peru United Crusade ni Dr. Jaerock Lee, Litrato 6-10: ang mga tawo nangayo sa mga sakit og balatian, Litrato 11-13: si Rev. Heesun Lee sa Handkerchief Healing Meeting sa Peru og Colombia niadtong Abril 2014.

Ang Manmin Central Church naay duolan sa 10,000 ka mga sanga og nakig ubang simbahan sa tibuok kalibutan. Og ang simbahan aktibo sad nga nangalagad sa Latin America pinaagi sa pagpanibya og sa panyo sa gahum.

Si Senyor Pastor Dr. Jaerock Lee giimbatar didto sa Argentina niadtong 1996 para sa ‘Blessing Crusade for Koreans’, seminar sa Lokal nga mga pastor. Unya pag 1997 sa Argentina para sa Revival Meeting sa mga tawo didto og sa Pastor’s Seminar. Tuig 2002 niadto siya sa Honduras para sa United Crusade og usab sa tuig 2004, sa Peru para sa ‘Peru United Crusade. Sa mga krusada, si Dr. Lee ni proklamar nga ang Diyos Magbubuhay og si Hesu Kristo lang ang atong Manluluwas pinaagi sa pagpakita og mga timailhan, kahibulongan og sa daghang gamhanang lihok sa Diyos.

Hilabi na gyud sa pag-ampo ni Dr. Lee para sa mga masakiton, daghang mga tawo nakalingkawas sa mga sakit apil na sa AIDS og kanser. Ang buta nakakita. Dihay mga bakol nga nanglabay sa ilang

mga sungkod og dihay diha sa wheelchair nga namarog. Nanglakaw sila og nangambak, og ang Diyos gihatagan og dakong kahimayaan.

Sugod ato, ang ‘handkerchief healing meetings’ perming gibuhay sa mga sangang simbahan sa nakig ubang simbahan didto sa Latin America sama sa Peru og Colombia. Ang mga sermon ni Dr. Lee og ang mga gamhanang lihok gipakita sa Enlace TV – ang nag unang magsisibya sa Spanish-speaking nga mga nasod og sa JBN sa Honduras nga maoy hinungdan nga daghang tawo ang nakaila sa buhi nga Diyos.

Ang mga sermon ni Dr. Lee perming gisibya. Labaw sa tanan, ang Pulong sa Kinabuhi ni Dr. Jaerock Lee ipakita matag Domingo sa buntag, og nagdala kinig nindot nga mga tubag gikan sa mga pastor. Ang manan-away sa Enlace nga nakadawat og grasya sa programa nagparehistro sa Manmin Central Church pinaagi sa Internet og nagmalipayon sa Kristohanong kinabuhi.

Dugang pa, ang mga libro ni Dr. Jaerock Lee sa Spanish og Portuguese gipublisar og gipanghatag pinaagi sa Nueva Vida sa USA og Naos sa Brazil.

Pag Abril 3, 2014, ang Manmin World Guidance Pastor nga si Rev. Heesun Lee naghimo og healing meeting sa panyo sa gahum (Buhat 19:11-12) sa Peru Manmin Church nga gipangalagaran ni Pastor Lazarus Lee. Ang mga tawo nipuno sa santuwaryo, ang uban wala na makasulod sa simbahan. Didto sad si Pastor Felipe Juamani, chairperson sa ‘Dr. Jaerock Lee 2004 Peru Healing Crusade Organizing Committee.’

Si Rev. Heesun Lee, ni wali sa mensaheng ‘‘Tinuod nga Pagtuo’’ basi sa Hebreo 10:22. Ang mga nanambong naghinulsol diha sa pag-ampo. Unya, tinagsa niyang giampoan ang gatosan ka mga masakiton nga nanag linya aron makadawat sa pag-ampo sa panyo sa gahum. ang mga miyembro sa simbahan nga nangandam uban ang pag-ampo og puasa sa pipila ka buwan sa wala pa ang maong miting, nakadawat og tubag og

naghimaya sa Diyos.

Si Igsoon Guillermo Diaz nibarog sa iyang ‘wheelchair’ nga iyang gisaligan sulod sa 20-katuig, og nilakaw. Igsoon, Fannyt Janet Davila naayo sa ‘ovarian cyst’. Igsoon Benjamin Salazar nakadawat sa kaayohan sa mata, high blood, diabetes, og lung disease.

Pag Abril 5-6, si Rev. Lee niwali sad sa Colombia Manmin Church’s Anniversary Service og nihimog miting sa panyo sa gahum. si Ms. Rosalba Rodriguez de Rincon, presidente sa Enlace Colombia og ubang mga pastor og magtutuo sa Venezuela nitambong. Pinaagi sa pag-ampo sa panyo ni Rev. Lee, si Igsoon Diana Moreno naayo sa farsightedness og si Igsoon Marixa Perez nakalingkawas sa ‘ovarian cyst’ og sa ‘allergic sinus infection’ daghan pang mga miyembro napanalanginan og naghimaya sa Diyos. Ang maong kalihukan nipukaw sa dakong pagdahum para sa aktibong pagpangalagad pinaagi sa lihok sa Espiritu ngadto sa Latin America.



Senyor Pastor Dr. Jaerock Lee

Ang Gugma Molahutay sa Tanang Butang

“Ang gugma mapailubon...moantos, motuo, molaom sa tanang butang og molahutay sa tanang butang.”
(1 Corinto 13:4-7)

Ang kapitulo 13 sa 1 Corinto naghigot sa nagkalain-laing klase sa espirituwal nga gugma. Nag-ingon kini nga ang, “[Gugma] moantos, motuo, molaom, molahutay sa tanang butang.”

Sa niaging edisyon akong gipasabot nga ang ‘moantos sa tanang butang’ nagpasabot nga moantos sa mga butang nga dili saktong pinaagi sa gugma. Ang pagtoo sa tanang butang mao ang pagsalig sa uban tungod kay kita nitoo niya. Ang paglaum sa tanang butang mao ang paghuwat og ang pag lantaw sa umaabot sigon sa atong gituohan nga mahitabo.

Kon kita molaom sa tanang butang uban ang pagtoo, atong maantos ang tanan. Og sa atong pag-antos sa tanang butang, kita magmalahutayon. Unya, unsa ang espirituwal nga pasabot sa ‘molahutay sa tanang butang’? Unsaon man nato pag kompletog kab-ot ang espirituwal nga gugma?

1. Unsa ang pag-antos sa tanang butang?

Kon atong antosan ang tanang butang nga wala mahiuyon sa espirituwal nga gugma, naa kini sangpotanan. Human sa dagkong balud sa dagat, mo kanaas kini sa baybayon. Ang sangpotanan sa pag antos sa tanang butang nahisama kini sa kinanaas. Kon atong antosan ang tanang butang, dili lang kini mahuman sa atong pag antos niini. Naa kini sangpotanan sama sa mga pagsulay og kasakit.

Sa giingon ni Hesus sa Mateo 5:39, “Apan sultihan ko kamo; ayaw’g balosi ang nagbuhat og daotan. Kon sagpaon ang inyong tuo nga aping, ipasagpa usab ang wala.” Bisan pa og sagpaon ka, dili ka mobalos, apan agwantaha kini. Apan naa kini epekto inig human. Masakitan ka.

Tinuod, managlaim ang mga rason sa tawo sa iyang pag eksperyensya sa bug’os nga kasakit. Naay tawo nga makabati sa sakit tungod kay iyang nahunahuna nga gisagpa siya sa walay rason, og nasuko sila. Naa say uban nga masakitan tungod kay naluoy nga naka ingon sila sa kasuko sa uban. Ang uban makabati sad og kaluoy nga magtan-aw sa uban nga dili maka kontrola sa kalagot, apan manakit dayon pisikal.

Ang sangpotanan sa pag-antos sa usa ka butang mahimong moabot pinaagi sa salikwaot nga kalabutan. Panangliatn, ibutang ta nga gisagpa ka sa tuo nga aping og imong

gihatag ang pikas aping pinasubay sa Pulong. Og iya sad gisagpa ang imong pikas aping. Imo kining gibuhay pinaagi sa pagsunod sa Pulong, apan ang sitwasyon mura na hinuon og nagka grabe. Maghunahuna ka nga ang problema na sulbad tungod kay imo man kining natuman, apan nganong moabot man ang pagsulay human niini? Kini tungod kay ang Diyos sa gugma gustong mohimo natong hingpit og gustong mohatag nato og mga kahibulongang mga panalangin.

Isip mga magtutuo mahimo tang tinuod nga mga anak sa Diyos sama sa ‘lugas’ pinaagi sa mga panahon nga kita niantos og nilahutay. Ang probidensya sa Diyos sa pagpalambo sa katawhan mao nga kita mahimong tinuod nga mga anak sa Diyos pinaagi sa maong mga pagsulay. Ang eksampol nga kon naay mobuhat og daotan batok nimo og ikaw mopakitag pag antos, apan naa gihapoy bati nga pagbati diha nimo og maghunahuna nga, ‘dili ko gustong makakita niya. Wala ko kasabot’. Ang kaaway nga demonyo og satanas makahibaw ani og modalag mga akusasyon batok nimo tungod sa imong gibati. Unya ang mga pagsulay moabot tungod sa akusasyon sa kaaway.

Hangtod nga naa pay mga daotan diha sa atong dughan, naay mga dagko og gagmay’ng mga pagsulay. Bisan human sa atong pagpalayas sa tanang mga sala og kompletong ma hingpit, naa gihapon ang mga pagsulay. Kining klaseha sa pagsulay gitugot aron kita mahatagan sa mga panalangin. Pinaagi ini, dili lang ta magpabilin nga walay daotan apan atong matuman ang dakong gugma og insaktong kamaayo.

Dili lang para sa personal nga mga grasya. Sa parehong lagda nga gigamit sa dihang tumanon sa Diyos ang Iyang gingharian. Aron maipakita sa Diyos ang mga bantogang lihok, ang hustisya kinahanglang maabot. Pinaagi sa pagpakita sa dakong pagtoo og buhat sa gugma, kinahanglang nga atong mapamatud-an nga kita sudlanan aron sa pagdawat sa mga tubag. Kini saktong basi sa hustisya aron ang kaaway nga demonyo dili maka sumpo. Mao nga itugot ni usahay sa Diyos. Kon kita mohangtod pinaagi lang sa kamaayo og gugma, itugot sa Diyos nga kita maghimaya Niya uban ang kadaogan.

2. Ang pag antos, pagtoo, paglaum, og ang paglahutay sa tanang butang

Kon kita moantos, motoo, og molaom sa tanang butang diha sa matuod tungod kay

atong gihigugma ang Diyos, molahutay ta sa tanang klase sa mga pagsulay. Unya, unsaon man nato pagtoo, paglaom, og paglahutay sa tanang butang?

1) Motoo ta sa gugma sa Diyos bisan panahon sa pagsulay

Ang Diyos motugot sa mga pagsulay aron kita takus og sarang nga makaangkon sa pagdayeg, himaya, og dungog sa katapusang mga adlaw (1 Pedro 1:7). Og aron sa pagkinabuhi subay sa Pulong sa Diyos dili magpahiuyon sa kalibutan, ikaw usahay mag atubang og mga pag antos. Unya, sa matag higayon, kinahanglang nga ikaw motoo nga nakadawat ka og espesyal nga gugma sa Diyos. Sa ingon, ikaw maghatag pasalamat tungod kay ang Diyos nigiya nimo sa maayong puloy-anan sa Langit.

Apan kon ang atong pagsulay grabe og nagpadayon og dugay, atong mahunahuna, “Gihigugma ba gyud ko sa Diyos?” Ining higayona atong hinumduman ang gugma sa Diyos og molahutay sa mga pagsulay. Kinahanglang nga atong tuohan nga ang Diyos Amahan gusto mo giya nato ngadto sa maayong puloy anan sa langit tungod kay Iya tang hinigugma. Kon kita motoo sa gugma sa Diyos og molahutay, sa katapusan kita mapanalanginan og mahimong hingpit (Santiago 1:4).

2) Motoo ta nga ang pagsulay maoy laktod aron matuman ang atong gilaoman

Roma 5:3-4 nag-ingon, “Nagmalipayon sad ta diha sa atong mga pag antos kay nasayod man kita nga ang pag antos naghimo natong malahutayon. Ang paglahutay makahimo nato nga kahimut-an sa Diyos og ang Iyang kahimuot naghatag natog paglaum.” Ang pag antos sa mga pagsulay sama nga maoy laktod aron atong maabot ang paglaom. Tingali maghunahuna ka nga, ‘kanus-a pa kaha ko mausab!’ Apan, kon molahutay ka sa mga pagsulay og perming maningkamot nga mausab, moabot ra gyud nga ikaw mahimong tinuod og hingpit nga anak sa Diyos nga naghisama Kaniya. Sama sa sidlak nga alahas nga gikan sa bato, pinaagi sa pag kudkud ini og pagpasinaw.

Mao nga, kon moabot ang pagsulay, ayaw kini likaye apan labanga kini sa imong pinaka maayong paningkamot. Tinuod, kitang tawo nagtinguha sa sayon nga dalan. Apan kon atong likayan ang mga pagsulay, dugay tang moabot sa gitinguha nga destinasyon.

Panangliatn, naay tawong perming maghatag og mga problema sa tanang panghitabo. Dili ka magpaila apan ang pagkatinuod dili ka komportable kon kamo magkita ining tawhana. Mao nga gusto nalang ka nga imo siyang likayan. Ining sitwasyona, dili lang unta nimo ibaliwala ang sitwasyon, apan imong paningkamotan nga imong aktibong malabang. Ang matag pagsulay maoy samang tikanganan og laktod nga dalan aron matuman ang imong paglaom.

3) Maayo lang ang atong buhaton

Sa tawhanong panghunahuna, ang mga pagsulay gikan sa binuhatan sa ubang tawo og sa mga panghitabo. Apan espirituwal, ang tanang pagsulay sa pagtoo gikan sa kaaway nga demonyo og satanas. Pasabot, ang mga pagsulay maoy pagpakigbugno sa maayo og daotan. Aron makaangkon sa kadaogan ining maong espirituwal nga bugno, kita makig away pinasubay sa balaod sa espirituwal nga gingharian: ang kamaayo maoy mo lupig sa daotan. Kon ang maayo maoy atong buhaton, mura ta og napildi og nawad-an anang higayona, apan ang pagkatinuod dili diay. Sa nahisulat sa Roma 12:21, “Ayaw padaoga ang daotan. Hinuon, dag-a ang daotan pinaagi sa maayo.” Ang kamaayo maoy modaog kon kini atong buhaton tungod kay ang Diyos maayo man.

Naa bay nagbuhat nimo og daotan og wala ka makasabot niya? Nganong dili nimo sulayan gikan sa imong kasingkasing ang paghatag og kamaayo ngadto niya? Walay si bisan kinsa nga maka babag aron ikaw dili molahutay kon ikaw maningkamot nga ang tinuod nga gugma motubo og molambo diha sa imong dughan. Makahimo ka sa paghigugma sa uban sama sa imong kaugalingon og pagsabot sa tanang butang mahitungod nila sama sa kasugoan sa Mateo 22:39 nga nag-ingon, “higugma ang imong isigkatawo sama sa imong kaugalingon.”

Mahal nga mga kaigsuonan. Kon ang agbon o lito mosulod sa ilang lawas ang pearl-oyster mahimong bililhong perlas. Manghinaut ko nga ikaw molahutay sa pag antos sa mga kasakit uban ang pagtoo og paglaom og maka porma sa nindot nga perlas nga gitawag og ‘spiritual love’. Ako mag-ampo sa ngalan sa Ginoo, nga sa imong pag labay sa ganghaan sa mga perlas, makahimo ka ngadto sa pag-ingon sa Diyos Amahan, “Salamat sa Imong pag antos, pagtoo, paglaom, paglahutay sa tanang butang para nako.”

Ang Pag-angkon sa Pagtoo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtoo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).
“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).


Manmin nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manministry@manmin.org
Publisher: Dr. Jaerock Lee
Managing Editor: Geumsun Vin

Sa pinasugdan unsa man ang kalibutan?



Ang two-thirds sa dagway sa kalibutan gilukop sa tubig, og sa planeta sa solar system, ang kalibutan ray naay dagat og lawud. Karon giunsa man pagka porma sa dagat og unsa man ang kalibutan sa pinasugdan human kini gihimo?

Ang Genesis 1 naghulagway sa proseso sa pagpamuhat sa Diyos nga Magbubuhat, sa langit og yuta og sa tanan nga naa niini. Sa Genesis 1:2 nagpakita sa dakong detalye sa pinasugdan sa kalibutan. Kini nag-ingon, “Ang kalibutan haw-ang og walay hitsura. Ang kadagatan gitabonan sa kangitngit og ang Espiritu sa Diyos naglihok ibabaw sa katubigan.”

“Ang kalibutan haw-ang og walay hitsura”

Sa dihang gihimo sa Diyos ang kaibutan, dili kini parehong porma sa kalibutan karon. Sa pinasugdan, ang tanan wala pay klaro og dili tino. Ang geological movements sama sa ‘plate tectonics’, crustal-disturbances og ang pagbuto sa mga bulkan aktibong nanghitabo.

Ang mga scientists nitagna nga naay aktibong crustal movements sa ibabaw sa kalibutan og naa na say nagkalain laing kemikal nga mga kalihokan diha sa kahanginan sa sayong hugna sa kalibutan. Ang mga scientists niingon nga kini proseso nga maagian sa kalibutan human kini gihimo, sa usa ka “big bang”. Apan ang tinuod dili sa usa ka “big bang”, apan sa proseso sa Diyos sa pagpamuhat sa kalibutan. Nangahitabo kini tungod sa paghimo sa Diyos sa kalibutan, sa pinasugdan. Niagi siya sa proseso sa pagbutang og pondasyon uban ang aktibong crustal-movements og nagkalain-laing reaksyon diha sa

kahanginan (Buhat 38:4; Hebreo 1:10). Pinaagi sa proseso, ang yuta og kawanangan nahimutang dinhi sa kalibotan; ang insaktong lugar para sa katawhan

Unya, ngano nga ang Diyos Makagagahum wala man mo direktso og himo sa kalibotan sa hingpit, apan gitugot man niya nga moagi ining tanang proseso?

Bisan ang tawo maghimo og gamay nga balay, ang pagbutang sa pondasyon og ang paghimo sa bayanan ini gikinahanglan. Kini order nga pisikal sa unodnong kalibutan. Bisan og ang Diyos labaw’ng Makagagahum, sa dihang Iyang gihimo ang kalibutan, iyang gisugdan ang pagbutang og pondasyon subay sa pisikal nga order sa unodnong kalibotan. Sa dihang gihimo sa Diyos nga labaw’ng Makagagahum ang kalibotan, Iyang gihimo ang pondasyon, og kini Iyang

paagi aron pagpaila sa Iyang gugma para sa katawhan.

Hunahuna nga naghimo ka og imong balay, nga adto nimo ibutang ang imong mahal nga pamilya. Bisan pag dugay ning himuon og daghan nga trabahuon, imo gyod ning tarungon. Malipayon kang maghimo ini.

Mao sad ang paghimo sa Diyos ining kalibotana uban ang mahigugmaong dughan sulod sa taas nga panahon. Kining kalibotana maoy lugar para sa mga kalag aron ugmaron aron mahimong tinuod nga mga anak sa Diyos. Mao nga ang Diyos Amahan, Diyos Anak, og Diyos Espiritu Santo – Diyos Trinidad – matinguhaong naghimo sa pondasyon sa kalibotan og naghimo sa langit sa taas nga higayon. Iyang gipahimutang ang tanan imabaw sa kahanginan og dinhi iyang gibuhat ang pinakamaayong lugar para sa katawhan.

“Ang Espiritu sa Diyos naglihok ibabaw sa katubigan”

Ang Diyos mismo nianhi sa kalibotan nga maoy lugar nga mahimutangan para sa pag ugmad sa tawo. Samtang naglihok dinhi sa kalibotan, Iyang gitawaw kon unsa pa ang gikinahanglan sa kalibotan nga Iyang angay nga buhaton sulod sa 6-ka adlaw’ng Pagpamuhat. Usa pa diay, sa dihang ang “Diyos naglihok ibabaw sa katubigan,” atong makita nga ang kalibotan gilukop sa tubig.

Unya, diin man gikan ang tubig nga nilukop sa tibuok kalibotan? Kato mao ang tubig sa kinabuhi nga nibaha gikan sa trono sa Diyos. Genesis 1:9 mabasa, “Unya miingon ang Diyos, ‘Matingub sa usa lamang ka dapit ang tubig ubos sa langit aron motungha ang yutang mala’; og nahimo kini.” 2 Pedro 3:5 nag-ingon, “... nga kaniadto gibuhat sa Diyos ang langit og ang yuta pinaagi sa iyang pulong. Ang kalibotan gibuhat gikan sa tubig og pinaagi sa tubig.” Ang kalibotan original nga gilukop sa tubig, og unya migawas gikan sa tubig.

Karon, unsa man ang rason sa Diyos nga iya mang giputos ang tibuok kalibotan sa tubig sa kinabuhi sama sa bata sulod sa tiyan sa inahan nga giputos sa amniotic-fluid?

Para kini makahimo og lugar dinhi sa kalibotan

aron ang tanang may kinabuhi apil ang katawhan mo lungtad. Ang Diyos sa gugma nitugot nga ang tubig sa kinabuhi mobaha sa kalibotan og nihimo sa lugar aron puy-an og molahutay ang tanang mag kinabuhi.

Ang kalibotan nga gitabonan sa tubig sa kinabuhi sama sa bata nga giputos sa amniotic-fluid, sulod sa lawas sa inahan. Salamat ining maong amniotic-fluid nga niputos sa bata, ang temperatura sa bata ma kontrola og ang bata ma protektahan apil na sa mga impeksyon. Samtang giputos ining maong tubig, ang bata mahatagan og mga sustansya gikan sa inahan pinaagi sa pusod hangtod nga kini ma kompletong mahimong tawo. Og sa pag-abot sa panahon, mogawas kini og mahimugso ining kalibotana.

Sa samang paagi, sa panahon nga ang kalibotan gilukop sa tubig sa kinabuhi, ang lugar nga puy-anan sa may mga kinabuhi gihimo. Dinhi, atong mahibaloan nga ang tanang may kinabuhi apil na ang tawo dili mohangtod kung walay tubig. Kining tubiga gikan sa Diyos. Mao nga ato gyung hunahunaon nga kitang tawo dili mabuhi kung mahilayo sa Diyos. Ang matuod nga sa dihang ang kalibotan Iyang giputos sa tubig sa kinabuhi tungod kay ang Diyos nagtinguha nga ang tanang kalag makadawat sa kinabuhing dayon.

Dugang punto, ang tubig sa kinabuhi puro og limpyo. Ang Diyos Magbubuhat gusto nga ang tanang kalag makaangkon sa kasingkasing sama ining tubiga sa kinabuhi human sa pag ugmad sa tawo. Gusto

Niya nga kita mahimong tinuod nga mga anak nga walay ikasaway og naay limpyong dughan sama sa puro og limpyo nga tubig sa kinabuhi. Sa unodnong gawi, ang tubig mo limpyo sa tanang hugaw. Ang Pulong sa Diyos, nga mao ang espirituwal nga tubig, gikinahanglan sad nato para sa atong espirituwal nga kinabuhi, og mao kini maglimpyo nato sa atong law-ay og hugaw nga mga sala.

Kon hunahunaon ang kalibotan karon, sa pinasugdan gi-unsa sa Diyos pagtabon ang kalibotan sa tubig sa kkinabuhi?

Ang mosunod nga mga besikulo sa Genesis 1:3 nagsulat kini sa detalye nga pagbuhat sa Diyos sa langit og sa kalibotan og sa tanang butang ini.

Sa ika-2 adlaw sa Pagpamuhat, gihimo sa Diyos ang wanang, og gibahin ang tubig nga ubos sa wanang gikan sa tubig nga imabaw sa wanang (Genesis 1:6-8). Ining higayona, ang tibuok lugar patag og wala pay mga bungtod og lawum nga mga walog. Sa ika-3 adlaw sa Pagpamuhat, gihimo sa Diyos ang pagdusdus sama sa dakong ‘pothole’ nga ma porma duol sa ‘North Pole’. Gipundok sa Diyos ang tubig sa North Pole, og gitawag niya kining “dagat”. Og Iyang gitawag ang mala og “yuta”.

Sa ika-4 adlaw, Iyang gihimo ang adlaw, buwan, og bituon og iyang gilahi ang malang yuta ngadto sa pipila ka mga dagkong kayutaan og ang dagat ngadto sa pipila ka mga kadagatan pinaagi sa crustal-movements. Mao nga ang kalibotan ingon na ini karon (Genesis 1:14-19).

“Sugod nga napanalanginan nga molambo ang akong kalag, ang tanang butang nagmaayo”

Bata pa ko nga nagsugod og simba, apan wala ko maka saksi og mga timailhan og kahibulongan sama sa nahisulat sa Bibliya. Kay wala pa gyod maka eksperyensiya sa buhi nga Diyos mosimba ra ko sa Domingo sa buntag human maglingaw lang og duwag ‘table tennis’, ‘billiard’, ‘baduk’, og ‘go-stop’ (tradisyonal nga duwa sa baraha sa Korea). Apan abi nakog luwas ko.

Unya, nakahibalo ko nga ang akong ig-agaw Elder Hongki Park nga nag-antos sa ‘pollution-disease’ sulod sa 7 katuig naayo Niadtong Mayo 1997 pinaagi sa pagtambong sa Manmin Central Church sa ilang duha ka simanang Special Revival Meeting og nakadawat sa pag ampo ni Dr. Jaerock Lee.

Pag 2002, nakasiguro ko nga naa ang buhi nga Diyos og ang akong pamilya og ako nagsugod sa among kristohanong kinabuhi sa Manmin Central Church. Niadtong mga higayona, ang akong inahan grabi ang pag-antos sa tumang kasakit tungod kay ang iyang likod nabali og ang bukog ni sikil sulod sa niaging 10 ka tuig. Iyang nadawat ang pag ampo ni Dr. Jaerock Lee. Human sa 15 minutos ang daotang bukog ni sibog og nibalik sa normal...og nawala ang kasakit!

Nibati ko og pasalamat sa grasya sa Diyos nga niayo sa akong inahan nga akong gihunong ang kalibutanhong kalipay og nagsugod ko og halad og mga serbisyo og ni hatag sa akong kaugalingon ngadto sa pag ampo. Nangandoy ko nga makabati sa Pulong sa Diyos. Ako sad nga gisulayan nga makatuman sa mga katungdanan nga gihatag sa Diyos kanako.

Unya, ako sad nakita ang akong kaugalingon pinaagi sa Pulong sa Diyos akong nahunahuna nga ang akong pamilya nalisdan tungod sa akong batasan nga mamanduon. Akong giingnan ang akong asawa nga kinahanglan motuman permi sa akong isulti og masuko ko pag ayo kon ang akong mga anak dili maminaw nako. Apan si Dr. Jaerock Lee wala mo baliwala sa mga gagmay’ng bata og iyang gihatagan og balor ang mga miyembro labaw pa sa iyang kinabuhi. Iya sad giampo ang mga masakiton sa tanan niyang kusog.

Akong nahunahuna nga musonod sa eksampol ni Dr. Lee og mag usab. Sugod ato, ako nang gisilbihan ang akong asawa og mga anak. Bisan og ang akong mga anak dili maka ampo og mabugnaw sa pagtoo, dili ko mamugos nila og ako ra silang

tabangan sa pag ampo. Nagpuyo mi sa Inchon, apan kon mag lisod sila og ampo didto sa Central Church sa Seoul ako lang silang kayogan mag ampo sa Daniel Prayer Meeting sa lokal nga santuwaryo duol sa among balay o kon dili pinaagi sa GCN TV sa among balay. Ako silang nakita diha sa mata sa pagtoo og nakita nako nga mausab ra sila og magpakabuhi sa mainitong Kristohanong kinabuhi.

Tuig 2010, nisugod ko og kalingaw sa pagbasa og Bibliya og sa pagpaminaw sa mga sermon ni Dr. Jaerock Lee sama sa ‘Love Chapter’, ‘Beatitudes’ og ‘Nine Fruits of the Holy Spirit’. Sa akong pagbaton sa mga mensahe sulod sa akong dughan og sa mangiinitong pag-ampo, ang akong asawa og mga anak naningkamot sad nga mausab pinaagi sa Pulong sa Diyos og sa pag ampo. Sa kataposan, ang tanan nakong miyembro sa pamilya niapil sa lumba sa pagtoo aron maabot ang dughan sa espiritu, og labaw sa tanan, ang pagdagan paingon sa Bag-ong Herusalem sa Langit.

Si Pastor Heesun Ku, akong anak nagsilbi sa mga miyembro isip pastor sa 21st Parish. Igsoon Kyunghwae Ku, akong lalaking anak, nahisakop sa Harmony Team. Senyor Daeconesa Hyunsuk Lee, akong asawa group-leader sa Prayer Devotees’ Group. Ako Vice-President sa 2nd Elders’ Association og Male District Leaders’ Association. Ako gipahinungdan ang mga katungdanan nga gihatag sa Diyos og ako ning giuna, mao nga ang Diyos nanalangin sa akong negosyo og nakakuha kinig pasidungog sa katilingban.

Pag Enero 2003, nag abli ko og ‘tax accounting firm’. Sugod ato, ang akong kita nagtubo sulod na sa 11 katuig. Giila ko nga mangihatagong tawo og tawong makahimo. Isip pag-ila sa ‘National Tax Administration’, nakadawat ko og ‘Award of Ministry of Strategy’ og ‘Finance and Award of Prime Minister’, nga diin nahimaya ang Diyos.

Karon nagtrabaho ko isip presidente sa ‘Northern Incheon Tax Accountants Association’, miyembro sa ‘Fair Taxation Committee’ sa Northern Incheon, og magtutudlo sa ‘Korea Association of Realtors’. Akong hatagan sa tanang pasalamat og himaya ang Diyos nga nanalangin sa akong kalag og sa paghatag ining maong panghimatuud.



Elder Pyeongseo Ku

(59 anyos, Representative Tax Accountant sa Kyungin Tax Corp.) uban sa iyang asawa Senior Deaconesa Hyunsuk Lee

Sulat gikan sa gawas sa nasod

“Lipay kaayo kong nakalakaw na og tarong!”



Sister Angelica Osorio, 16 anyos, sa Colombia Manmin Church

Natawo ko nga naay ‘absent radii syndrome’. Sa edad nga uno, gi operahan ang bukog sa akong paa og gikuha ni unya gi operahan og balik para sa ‘fitting’. Hangtod pag edad og 10 anyos, nagsul-ob ko og ‘cast’ nga naay angulo nga 90° diha sa akong paa. Natural, dili ko maka eskuwela og naa lang sa balay naghigda.

Usa kaadlaw ang akong inahan nakahibao mahitungod sa gamhanang lihok ni Dr. Jaerock Lee pinaagi sa Enlace TV. Niingon siya nako nga maayo ko kon motoo. Pinasugdan, dili ko makatoo, apan human sa pag parehistro sa Colombia Manmin Church ang tanang miyembro sa among pamilya nausab.

Ang libro sa kaagi ni Dr. Jaerock Lee maoy ni dasig nako nga makabaton og kalipay og paglaom tungod kay grabe ang iyang pag antos sa mga sakit nga iyang naagina, labaw pa sa akong sakit, apan naayo siya sa tanang sakit pinaagi sa Diyos. Nakasiguro ko nga maayo sad, og nagsugod og ampo.

Abril 5-6, 2014, ang Colombia Manmin Church nga gipangalagaran ni Pastor Jungyeon Jang nag saulog sa ika-2 nga anibersaryo. Si Rev. Heesun Lee, ang Manmin World Guidance Pastor, niabot. Nitambong ko sa iyang ‘Handkerchief Healing Meeting’ og naminaw sa mensahe. Naghinulsol ko nga walay tinuod nga pagtoo sa Diyos og nagdumot sa ubang tawo. Og nakadawat ko sa iyang pag ampo gamit ang panyo sa gahum (Buhat 19:11-12). Unya, ang akong ‘backbone’ natul’id og wala nay sakit. Hallelujah!

Ang akong piko nga ‘backbone’ og piko ng paa natul’id dili nako magtakiang og nakalakaw na og tarong. Akong pasalamat og himaya ang Diyos nga niayo nako og nitubag sa akong pag-ampo.

Mga Sangay ng Ministeryo ng Manmin sa Pilipinas

Manila Manmin Holiness Church

441 Patato St, J-Figuera Sampaloc, Manila, Pilipinas
Pastor Peter Bae
Pastor Lucy Lee
2-735-1423

Bataan Manmin Holiness Church

067 Daang Bago, Dinalupihan, Bataan, Pilipinas
Pastor Peter Bae
0910-262-5465

Isabela Manmin Holiness Church

Purok 3, Brgy, San Roque, San Mateo, Isabela, Pilipinas
Pastor Peter Bae
Pastor Lucy Lee
0905-649-1120

Cavite Manmin Holiness Church

5 Lot 33 Bk 1, Canutuhan (tenant), Santiago Gen.Trias, Cavite, Pilipinas
Pastor Sharon Cho
046-850-3193 /
0916-674-3903 /
0905-319-8191

Imus Manmin Holiness Church

Blue Bell St. Plaridel III Sub. Bayan Luma 7, Imus Cavite, Pilipinas
Pastor Jubeom Kim
0927-311-7633

Cebu Manmin Holiness Church

LOT N. 402 - B-4
Looc Along Side The Canjulao Road, Lapu-Lapu City Cebu, Pilipinas
Pastor Rossetta Sung
0921-635-7595

Davao Manmin Holiness Church

301 Ilang Ilang St. Flores Village, Bangkal, Davao City, Pilipinas
Pastor Kathryn Kim
0908-635-2714